

## **Naonaitot onipkangit Tahialokmi Emmaktutikhak Laisia Nutangoktok**

Dundee precious Metals Inc. okoalo Kinross Gold Corporation havakatigiikahoalikhotik angigotiniktok oyagakhioklotik (JV) pannagiigahoakliktok nalvaakhioklotik manikakninik hamani Nunavut Nunaotaini. Ona JV pannagiiknik aolaniaktok 2 okiokni. Dundee oyagakhioitit havaktot ovalo monagiot pihimayait tamaita Laisit omonga pannagiiknikmot JV. Miramar okoa angikhimaliktok pihimalogo emmaktutikhak laisiat nappanga NWB2GOO0510 omonga Dundee. Hamna laisiat toniyaohimayuk havaotikhak emmaktuut atokniaktat oyagakhiokvikhak nappakohiktokhimatitlogo ovani Tahialok nappakohiktokhimayut. Dundee pitkoyat allangoklogo emmaktutikhak laisitik ema aolaligiangani oyagakhiokvikhak nalvaakhiokgotikhak aolahimagomayat. Ona laisik angitigiomik emmaktogomayut one hannan taati cubic metres emmaktogomayat oblotoak. Emmaktutititik angivyakkaloakloni laisikagomayut oyagakhiogiami ovalo havakhimmagomagamik nalvaakhioklotik inuit havaktit atogakhak ovalo ekootaotikhak nunami ema emmaktuut angiyakloni atogomayat.

Ona emmak oakhitigivagat kovvigakniaktat tahigalioklogo ema enminik nunami panniktikpakniaktok, ova avalakiat okpiit halummaktikniakat. Onalo annat ekkoalatiyaovakniaktot algoyaktoktonot annakviknot ovalo higaakok haoyaoniaktok enikviknit okoalo kokkioviop ekkakoit niggikot. Okiotoak ekkakot havigaleet aolaktitaoniaktok kablonaat nunainot neovgotaoyukha haviit naliak haoniaktaitluneet ekkakokvikmot.

Potookniaktait ekootaklogit kaiktot ekootamot ovalo emmaktutaitlo katitiktanoiaktot. Ona ekootap emmaktuta emaplo kikalaitkota emmak(taggiok& Ekkikhatlo) katitiktanoiaktot emmakot poktokniaktat pannikhiktokhat ovalo pannikata eggittokhat, Emmakot atoffakniaktot ekootaotit ekootagoikata eggitniaktot. Tahamani emmakmik atokhimagomayut ovalo emmak elaliktokniaktat kikalaitkotingoklogo elanga koviniaktok nunamot ekootagat enikat. Emmak ekootaot maklonggokniaktok ekootap makkipakniakta ovalo makloit emmat ongovakniaktot nunamit kennipatitlogit. Tamaita ekootap makloit emmat katitiktanoiaktot ekootakninit ovalo pannikhiktanoiaktot eggitokhat ekkakokvikmot.

Tamaita tupikakviop emait milokaktaoniaktok omonga Tahialokmit engnikotikot Honda Pump milokaknia oan hannat gallak oan minitmot ovalo ikaluit toghoamit etilaitkotikaklogo ¼” anmaomania. Tabkoa ekootat milokaotikakniaktot emmaktutmik, etilaitkotikaklogo ikaluknot. Ekkotat emmaktutikakniaktot, milokaot ikaluknot etilaitkotikaklogo tahiknit ekootaotikhak emak. Milokaot emmaktokpalaalimaitok.

Havaotikhak I aolalikvikhak oyagakhiolikniaktot April 1-mit eniklotik June 30, 2006. Tamna tupikakvik angmakniaktok kitkani Febyoalimi ova havaktit oyagakhioktit okoalo nikkikhiat tamayatlo tingmiaktot aggijaolotik Tahialokmot Yelaonaimit Tingmiakyoakot atolihalikat Masi. Okomaitot aghalutit ekootat kablonakakninik aiyaoniaktot aghalutikot okiomi tagiop hinanit Kelohiktomit. Aghalutikyoakot okiomi naliak halikaptakot atokniaktot agyaktaklotik ekootamik nuukataotikhamik. Kayaginiagat nuna ona aghaluut D7G poalgit ekootamik agyaktakniaktot ema nuna kayagilogo. Opingakhak ekootakniaktot 13,000 metres kaiktomik hikkoiyaktinago. Okoa inuit havaktit tamayainakniaktot aolaligomik opingakhakat. Kaffit havaktit tahamaneeniaktot ekootakninik ehivgiokhilotik titigakniaktot nunalo halumaktiklogo taotoklogo. .

Havaotikhak II aolalikniaktok ovani Julai 1<sup>st</sup>, 2006 tamakmik havaktit otiffaklotik oyagakhiokvikmot ovalo ekootalikniaktot ova ekootagoiyaklotik Saptai 1-mi hila nammakpat okiakhak. Havaktit ekootakhaimaitat okiok ekootakniaktat aoyak. Ona halikaptak atokniagat nuutigotikhak ekootamik. Havaktit taimaktikniaktot Yelonailitlotik tingmiaktot kayalikot ovani Saptai 1<sup>st</sup>, 2006. Ekootat tamayatlo aolalimaitait aipago oyagakhiofakniagamik.

Oyagakhioknik havaktikakniaktok 40 inuknik, 30-goyutDundee havaktiit. Okoa foatit, 8-lo 9-lo Inuinait Okoa kantolaktit havaktot tahamani inuknik havaktikakoiyaoyut. Ona oyagakhiokvik tonihivakniaktot \$25 miliadalanik Kanatamot okiokmi 2006. (Nalvaakata kihime ekootakhimakniaktot)